

Pitsaassutsimut teknikeritut ilinniartitaaneq pillugu Namminersornerullutik Oqartussat nalunaarutaat

Inuussutissarsiutigut ilinniartitaaneq, ilinniagaqarnermut tapiissutit inuussutissarsiutinullu tunngasunik siunnersuineq pillugit Inatsisartut peqqussutaanni nr. 16-imi 28. oktober 1993-imeersumi § 1-imi imm. 2 naapertorlugu aalaj angersarneqarput:

Kapitali 1

Siunertaa sivilissusialu

§ 1. Pitsaassutsimut teknikerinnigorniarfik ilinniartitsinikkut siunertarineqarpoq ilinniartut aalisakkanik suliffissuit tappiorannartuleriffiini, inuussutissalerivinni suliffinnilu tamakkununga assingusuni sulinissamut pikkorissartinneqarnissaat.

Imm. 2. Ilinniartitsinerup siunertaraattaaq ilinniartup peqqinnissamut tunngasunik, uumaatsunik uumassusilinnillu misissugassanik tigusinerup, laboratoriami sulinerup naammassinninnissamut aamma misissuinikkut paasisat suliarinerannut nalilerneqartarnerannullu tunngaviusumik paasinnitsinnissaa piginnaaneqalersinnissaalu, laboratoriap aqqissuussaananut siulersuisinnaanissaa laboratoriamilu sulinerup aqqissuussinnaanissaa, sulisunik immikkut suliamut ilinniagaqarsimanngitsunik pikkorissartitsisarnissaa aammalu inuussutissanik avatangiisinillu nakkutilliinerup siulersuisinnaanissaa.

§ 2. Ilinniartitaaneq ukiunik marlunnik sivilissuseqassaaq, ataqtigiiginnaarnik sisamanik semestereqarluni.

Kapitali 2

Ilinniartunngornissamut piumasaqaatit

§ 3. Ilinniartunngorsinnaasut ukuupput:

- 1) aalisakkerisutut/fiskeindustriassistentitut ilinniarsimasut
- 2) inuussutissalerinerup suliffissuarmi taassumunngaluunniit assingusumik tunngaviusumik ilinniarsimasut imaluunniit
- 3) ilinniarnertuunngorniarfik ilinniarsimasut.

Imm. 2. Ilinniartunngorsinnaapputaqq allatigut ilinniartitaanerup tunuliaqutaqartut, ilinniartitaanerup ataatsimiititaliap isumaa malillugu taanna pitsaassutsimik teknikeritut ilinniartitaanerup naammassinnaanut naapertuuttumik tunngavissaqalersitsippat.

Imm. 3. Qinnuteqartuttaaq kalaallisut qallunaatullu allattariarsornikkut oqaluinnarnikkullu

paasinnissinnaallutillu paasisitsisinnaassapput ilinniartuullu kisitsinermi piginnaassutsinut piumasaqaatai naammassisimassallugit.

Imm. 4. Ilinniarfik nalileereernikkut qinnuteqartunut sulinikkut misilittagaqanngitsunut ukioq ataaseq angullugu tamatumunnga naleqquttumik inuussutissarsiutigalugu misilittagaqarnissamik piumasaqaateqarsinnaavoq.

§ 4. Ilinniartuup imaluunniit najukkami inuussutissarsiutitigut ilinniartitaanermut ataatsimiititaliap qinnuteqartup tiguneqarnissaa inassutigiguniuk tamatumunnga peqatigitillugu qinnuteqartup ilinniarneq piffissaliussami naammassisinnaallugu naleqquttuunera pillugu paasissutissatut oqaaseqaateqassaaq.

Kapitali 3

Ilinniartitaanerup imai

§ 5. Ilinniartitaanerup ukiuani siullermi (semesterit siullianni aappaannilu) lektionit 1440-t ilinniagassani ukunani ilinniartitsinermut atorineqassapput:

1)	aalisakkerineq	540 lektionit
2)	eqqiluisaarneq, akoorutissat atorlugit aamma uumasuaqqanik tappiorannartulerineq	280 lektionit
3)	aalisarnek aalisakkanillu ilisimatusarnek	160 lektionit
4)	matematikki naatsorsueqqissaarnerlu	140 lektionit
5)	sulinermik siulersuineq/aaqqissuineq	80 lektionit
6)	qarasaasialerineq	80 lektionit
7)	attaveqaqatigiinneq	80 lektionit
8)	timersorneq	80 lektionit

Imm. 2. Ilinniartitaanerup ukiuata aappaani (semesterit pingajuanni sisamaannilu) lektionit 1420-t ilinniagassani ukunani ilinniartitsinermut atorineqassapput:

1)	fysikki laboratorieteknikimik ilallugu.	120 lektionit
2)	akoorutissalerineq laboratorieteknikimik ilallugu	200 lektionit
3)	matematik aamma qarasaasialerineq	120 lektionit
4)	uumasuaqqanik tappiorannartulerineq aamma bioteknik	200 lektionit
5)	atortorisanik ilinniartitsineq	40 lektionit
6)	laboratoriami isumannaallisaaneq	30 lektionit
7)	ikiueqqaarneq/qatserineq	30 lektionit
8)	pitsaassutsinik aqutsineq	280 lektionit
9)	laboratoriami atortulersorluni sulineq	320 lektionit
10)	timersorneq	80 lektionit

Imm. 3. Semesterit sisamaanni sapaatit akunnerini kingullerni arfinilinni ilinniartuq nammineerluni immikkut sammisaminik allaaserinnissaaq.

§ 6. Ilinniartuq immikkut sammisassaminik ilinniartitsisumit ilitersorneqarluni nammineerluni itisiligassaminik toqqaassaaq.

Imm. 2. Immikkut sammisaq semesterit pingajuat naatinnagu toqqarneqassaaq ilinniartitsisumillu akuerineqassalluni.

Imm. 3. Immikkut sammisassaqartitsinikkut siunertarineqarpoq ilinniartup anguniagaqarluni suliaasaq sulinermut tunngassuteqartoq siunissami suliaassaminut attuumassuteqartoq nammineerluni allaaserisinnaassagaa tamatumuunalu angusarineqartut nalilersinnaassallugit.

Imm. 4. Immikkut sammisamut tunngasut § 5-imi imm. 2-mi ilinniagassanit taaneqartunit akuleriissinneqassapput qaqutigorluinnarli ilinniagassamut ataasiinnarmut killilerneqarsinnaallutik. Immikkulli sammisaq ilinniagassat uku arlaannut killilerneqarsinnaanngilaq: matematik/qarasaasialerineq, atortorisaniq ilinniartitsineq, laboratoriami isumannaallisaaneq, ikiueqqaarneq/qatserineq imaluunniit timersorneq.

Imm. 5. Piffissaq immikkut sammisaqarfusoq ilinniartup nalunaarusiorneratigut naggaserneqassaaq.

§ 7. Ilinniagassanik ataasiakkaanik ilinniartitsinikkut siunertarineqarput:

1) Aalisakkerinermi, ilinniartup aalisakkat suliarineqanngitsut pitsaassusiannik asiujaassusiannillu aamma pissutsinik aalisakkap ajorsiaortartarneranut sunniuteqartartunik paasinninnissaa. Taamatullu ilinniartup aalisakkanik nioqqutissiat piareersariikkat tunulequtaattut qerititerinermi teknikkip aamma aqerlortereriaatsimi periaatsit pingaaruteqartut eqqortumik atorineqartarnerisa pingaaruteqarnerannik paasinninnissaa, pilersarusiorluni periaatsit, pissarsiat, inatsiseqartitsineq pitsaassutsinillu misissuineq ilanngullugit.

2) Eqqiluisaarnermi, akoorutissat atorlugit aamma uumasuaqqanik tappiorannartulerinermi, ilinniartup uumasuaqqanut tappiorannartunut akoorutissanullu tunngasunik paasisimaqqaagassanik ilisimasaqarluneq aqqutigalugu inuussutissalerinermik suliaqartut eqqiluisaarnissamik maleruagassaannik paasinninnissaa siunertanullu naleqquttumik pissuseqalernissaa.

3) Aalisarneq aamma aalisakkanik ilisimatusarnermi, ilinniartup immami periaatsimut uumassusillit avatangiisaasalu sunniivigeqatigiinnerisigut pilersinneqartumut ilisimasaqalernissaa aanuna isumalluutinik pissarsiarineqarsinnaasunik sapinngisamik pitsaanerpaamik iluaquteqarnissamut paasinninnerulernissaa.

4) Matematikki aamma naatsorsueqqissaarnermi, ilinniartuq tunngaviusumik matematikkikkut paasinneriaatsinik, kisitsisilerinermik atortunillu sungiusarniarlugu, naatsorsueqqissaarnikkut kisitsisinik atortussanik paasinnissinnaalersillugu atuisinnaalersillugulu.

5) Sulineramik siulersuineq/aaqqissuinermilu, ilinniartuq inuit akornanni pissutsinik suleqatigiinnermut siulersuinernullu pingaaruteqartunik paasinnitsinniarlugu aamma suleqatigiinneriaatsinut siulersueriaatsinullu piginnaanngorsarniarlugu sungiusarniarlugulu.

6) Qarasaasialerinermi, ilinniartuq qarasaasiat nalinginnaasumik atorineqartarnerannut paasitinniarlugu aammalu allannermut kisitsinermullu atortuinik atuinermut paasisaqalersinniarlugu.

7) Attaveqatigiinnermi, ilinniartuq ataatsimeeriaatsimik allattueriaatsimillu, najoqqutassarsiaortarnermik, nalunaarusiornermik aamma kikkulluunniit oqartussaaqataaneranni periaatsinut malittarisassanik sungiusarniarlugu taamaalilluni piviusorsiaortumik attaveqatigiinnermi piginnaaneqalersinniarlugu.

8) Timersornermi, ilinniartup timimi siunertamut naapertuuttumik qasulissutigisassarinnngisaminillu atornissaa ilinniassammagu aammalu tamatigoortumik timimigut sungiusarnissamut paasinninniassammat suleqatiginnissinnaassuseqarlunilu.

- 9) Fysikkimi laboratorieteknikimik ilallugu, ilinniartuq fysikkimi pingaarnerusutigut anguniagaasunik aamma maleruagassanik laboratoriami atortulersuutit atorineqartut tunngavigisaannik tamatigoortumik paasinnitsissallugu, aamma sananeqaatit pissuserisartagaannut pingasunut tunngaviusumik maleruagassanik paasinnitsinniarlugu.
- 10) Akuutissalerinermi laboratorieteknikimik ilallugu, ilinniartuq akuutissat pissusilersortarnerannik, annertussutsit naatsorsorneqartarnerinik, pissusilersortarnernut skemanik aamma laboratoriami sulinermut ilisimasaqarnerulersinniarlugu.
- 11) Matematikkimi aamma qarasaasialerinermi, ilinniartuq laboratoriami sulisilluni matematikkilerinermi atortunik fysikkernermut, akuutissalerinermut uumasuaqqanik tappiorannartulerinermut atatillugu atorineqartartunik atuisinnaalersinniarlugu aamma paasisat sularinerinut, paasissutissanik katersinermut, paasissutissaateqarfinnut titartakkanillu sulinermut kisitsissummik atuinnissamut ilinniartinniarlugu.
- 12) Uumasuaqqanik tappiorannartulerinermi aamma bioteknikkimi, ilinniartuq uumasuaqqat tappiorannartut avissaartiternissaannut suunerinillu paasinninnissamut ilinniartinniarlugu aamma bioteknikimut tunngasunik suleriaatsinik ajornanngitsunik ilisarinnilersinniarlugu.
- 13) Atortorisanik ilinniartitsinermi, ilinniartuq atortorisanik sananeqaataannik, pingaarnerusutigut tunngaviinik atuuffinillu ilisimannilersinniarlugu.
- 14) Laboratoriami isumannaallisaanermi, ilinniartuq uumasuaqqanik tappiorannartunik akuutissallu sananeqaataannik sulinermik ilitersuunniarlugu, naliliisarluni paasiniaanermut aamma eqqagassalerinermut atatillugu laboratoriami sulinerimi ileqquliussat pitsaasut isumannaatsullu pingaaruteqassusiannik paasinnitsinniarlugu.
- 15) Ikieqqaarneq/qatserinermilu, ilinniartuq laboratoriami suugaluartunilluunniit ajutoortoqartillugu isumannaatsumik sukkasuumillu periaaseqartarnissaanut sungiusarniarlugu.
- 16) Pitsaassutsinik aqutsinermi, ilinniartuq laboratoriami sulinikkut pitsaassutsinik pingaarnerusutigut aqutseriaatsinik sukumiisumik paasisimasaqalersinniarlugu aamma tamatumuuna tunisassiornermut, suleqataasunut misissuinerinermut aningaasaqarnermullu sunniutaasartunik aammalu ilinniartuq pitsaassutsinik aqutseriaatsinik nalinginnaasunik ilisimannilersinniarlugu.
- 17) Laboratoriami atortulersorluni sulinerimi, ilinniartuq atuagarsornerup sulinerullu ataqatigiissinnissaannut periarfissinniarlugu aamma nalinginnaasumik naliliisarluni misissuerialaatsinik aamma laboratoriami sulinermik sungiussisinniarlugu.

§ 8. Ilinniagassani tapertaasartuni pingaarutilinni atuarfik ilassutitut ilinniartitsinermik neqerooruteqarsinnaavoq.

§ 9. Ilinniartut ilinniartitsinermut najuuttussaataapput.

Imm. 2. Kultureqarnermut, Ilinniartitaanermut Ilimatusarnermullu Pisortaqarfik najuuttussaataaneq pillugu maleruagassanik aalajangersaasinnaavoq.

Kapitali 4

Naliliisarneq misilitsinnerillu

§ 10. Ilinniarneq naallugu ilinniarfik ilinniartut ataasiakkaat ilinniartitsinikkut ilikkagaannik ingerlaavartumik naliliisassaaq ilinniagassanillu ilitersuussinissamik neqerooruteqartassalluni.

§ 11. Semesterit aappaata naanerani ilinniagassani eqqiluisaarnermi, akoorutissalerinermi aamma uumasuaqqanik tappiorannartulerinermi aammalu aalisarnermi aamma aalisakkanik ilisimatusarnermi naliliissutissanik karakteriliisoqassaaq.

Imm. 2. Kingusinnerpaamik semesterit sisamaata naanerani ilinniagassani matematikkimi/qarasaasialerinermi/naatsorsueqqissaarnermi, pitsaassutsinik aqutsineq aamma laboratoriami atortulersorluni sulinermi naliliissutissanik karakteriliisoqassaaq.

§ 12. Semesterit aappaata kingornatigut ilinniagassami aalisakkerinermi soraarummeertitsisoqassaaq.

§ 13. Semesterit sisamaanni immikkut sammisamik allaaserinnittoqalersinnagu ilinniagassani uumasuaqqanik tappiorannartulerinermi/bioteknikimi aamma fysikkimi laboratoriateknikimik ilallugu/akoorutissalermineermi laboratoriateknikimik ilallugu soraarummeersitsisoqassaaq.

§ 14. §§ 12 aamma 13 malillugit soraarummeersitsinerit allattariarsornerusinnaapput oqaluttariarsornerusinnaallutillu.

Imm. 2. Soraarummeerutini tamani ataatsimut karakteriliisoqassaaq.

§ 15. Semesterit sisamaata naanerani immikkut sammisaq ilinniartumit toqqarneqartoq ilinniartitsisumillu akuersissutigineqartoq oqaluttariarsornikkut soraarummeertitsissutigineqassaaq, § 6 takuuk.

Imm. 2. Soraarummeersitsinermut aallavigineqassaaq ilinniartumit nalunaarusiaq aamma sulinikkut angusarineqartut. Ataatsimut katillugit karakteriliisoqassaaq.

§ 16. Pitsaassutsimut teknikeritut ilinniartitaanermi qaqisissaguni ilinniartuq imatut angusaqarsimassaaq

- 1) immikkut sammisami minnerpaamik karakteri 6,
- 2) soraarummeerni sisamani agguaqatigiissillugu minnerpaamik 6 aamma
- 3) naliliissutaasumik karakterini agguaqatigiissillugu minnerpaamik 6.

Imm. 2. Soraarummeernerit ilinniagassami ilinniartitsisumit aamma nalileeataasumit, censorimit, Kultureqarnermut, Ilinniartitaanermut Ilisimatusarnermullu Pisortaarfimmit piginnaatinneqartumit, nalilerneqassapput.

Imm. 3. Naliliineq pillugu isumaqatigiinnginneqartillugu karakterit taakku marluk agguaqatigiissinnerat, kisitsillu ilivitsuuppat, atorneqassaaq. Karakterilersuineri agguaqatigiissitsineq karakterit marluk akunnerpiaanniippat, kisitsimmut ilivitsumut tullermut qaffanneqassaaq, tassa nalileeataasoq qaffasinnerusumik karakteriliisimappat, kisitsimullu ilivitsumut qaninnermut appaasoqassalluni, nalileeataasoq appasinnerusumik karakteriliisimappat. Taamaattorli karakterit "13" aamma "0" karakteriliunneqassapput aatsaat ilinniartitsisup nalileeataasullu tamanna isumaqatigiissutigippassuk.

§ 17. Ilinniartup soraarummeerneq naammassinngippagu angusinngitsoorfigippaguluunniit, ilinniartuq soraarummeerummut tassunga marloriarluni peqataasussanngorteqqinneqarsinnaavoq.

Imm. 2. Ilinniartitaanermut ataatsimiititaliap pissutsit immikkut illuinnartillugit imm. 1-imi aalajangersakkat saneqqussinnaavai.

§ 18. Ilinniartunut uppersarneqartumik napparsimanermik imaluunniit allamik akuerineqarsinnaasumik pissuteqartumik pilersaarutigineqartutut soraarummeernermut peqataasimanngitsunut napparsimasunut naatsorsuussamik soraarummeersitsisoqassaaq. *Imm. 2.* Napparsimasunut soraarummeeqqittussanullu soraarummeersitsisoqassaaq kingusinnerpaamik pilersaarutigineqartutut soraarummeersitsinermut tullermut atatillugu.

Kapitali 5

Ilinniarsimanermut uppersaasat

§ 19. Soraarummeernermi angusinerup kingornatigut ilinniartarfik pitsaassutsimut teknikerimut ilinniarnermik naamassinninnermut uppersaasiissaaq. Uppersaasamiissapput naliliiniarluni misiliisarnerni soraarummeernermilu karakterit. *Imm. 2.* Taamatuttaaq ilinniartup aalajaassusia, soqutiginninnera suleqatikkuminassusialu pillugit naatsumik oqaaseqaateqartoqassaaq.

Kapitali 6

Aalajangersakkat assigiinngitsut

§ 20. Aalisakkanik suliffissuaqarnermut tunngasunut ilinniartitaanermut ataatsimiititaliaq pitsaassutsimut teknikerissat ilinniartitaanerannut ilinniartitaanermut ataatsimiititaliaavoq.

§ 21. Nalunaarut una malillugu pissutsit suliamik ilinniarnermut tunngasut pillugit ilinniartup aalajangiinerinut naammagittaalliuutit aalajangiinerup tiguneqarneraniit sapaatit akunneri sisamat qaangiutsinnagit ilinniartitaanermut ataatsimiititaliamut suliasanngortinneqarsinnaapput. *Imm. 2.* Nalunaarut una malillugu pissutsit suliamik ilinniarnermut tunngassuteqanngitsut pillugit ilinniartup aalajangiinerinut naammagittaalliuutit aalajangiinerup tiguneqarneraniit sapaatit akunneri sisamat qaangiutsinnagit Kultureqarnermut, Ilinniartitaanermut Ilisimatusarnermullu Pisortaqaarfimmut suliasanngortinneqarsinnaapput.

§ 22. Ilinniartitaanerup misilinneqarneranut ineriartortinneqarneranulluunniit atatillugu ilinniartitaanermut ataatsimiititaliap inassuteqarneratigut Kultureqarnermut, Ilinniartitaanermut Ilisimatusarnermullu Pisortaqaarfup nalunaarut una saneqqunneqarallartissinnaavaa.

§ 23. Nalunaarut atuutilerpoq 1. april 1994 ukiumi ilinniartitsiviusumi 1993-1994-imi atuuttussanngorlugu.

Namminersornerullutik Oqartussat, ulloq 6. april 1994.

Marianne Jensen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut